

آبونه سرائطی

ممالك عثمانیه ده سنه لکی (۶۵) ، آلتی
آیلغی (۵۳) غروشدر .
ممالك اجنبیه ده سنه لکی (۱۷) ، آلتی
آیلغی (۹) فرانقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشندر .

§

مسئله موافق آثار مع الممنونیه قبول
اولنور . درج ابدله یں یازیلر اعاده
اولونماز .

المجله

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

دینی ، فلسفی ، علمی ، ادبی سیاسی هفته لقی مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ح ادیب اشرف

اتبعون اهدکم سبیل الرشاد

عدد ۲۸۳

۱۶ ربیع الاول ۱۳۳۲

پنجشنبه

۳۰ کانون ثانی ۱۳۲۹

جلد ۱۱

اخطارات

رساله مزدن آلتدیغی کوسترملک شرطیله
بتون یازیلر هر هانکی بر غرضه طرفندن
اقتباس اولونه بیلیر .

§

مکتوبلرک، امضالری واضح و اوقوناقلی
اولمسی و آبونه صره نومروسى محتوی
بولونمسی لازمدر .

§

ممالك اجنبیه ایچون آبونه اولانلر
آدرس لریك فرانسزجه ده یازلمسی رجا
اولنور .

§

پاره کوندرلدیکی زمان نه یه دائر اولدیغنک
واضحاً بیلدیلمسی رجا اولنور .

صورت قطعیه ده حل ایلمه مشدر . انک ایچون حکمه استمهجال اثر خفت اولور .

کیمسه یه قبول ایتدیرمک ایچون دکل، یالکز ملاحظه قیلندن اولمق اوزره سویلمکه : بزم احاطه حسیه من خارجده بر جوق شیر موجوددر . بوکا لسان شریعت و حکمتده مجردات و معنویات دیر . انلرده متافزیک دیکر معناسنه کوره طبیعتک مابمیدر . یعنی بزم طبیعت نامنی و یردیکمز مدلول عمومینک بشقه ماهیتده بر طاقم تجلیاتیدر . شو حاله نظراً مجرداتده طبیعت تعبیرینک شمول وسیعی داخلنده ، فقط بزم حواسمزک خارجده اولان بر طاقم موجودات دیمک اولور . مجردات و معنویاتی ، معنای محدودینه نظراً طبیعت خارجده عدایمکه حقمز اولدیفنی کبی طبیعتک شمول وسیعی اعتبارله انک داخلنده عد ایتمکهده حقمز وارد . مادامکه طبیعت نامیه بر مفهوم کلینک وجودینه قائل اولوروز ؛ انک نامتناهی شئون ، بیلمدیکمز بر طاقم مخلوقات ، موجوداتی اولدیفنی ده قبول ایتمکلکمز لازم کلیر . یالکز لسان شریعت ایله لسان فن و حکمت او علملرک اراسنه حدلر چیزهش ، انلری بشقه بشقه اسملرله تسمیه ایتمشدر .

طبیعت او علمک شکل متکاثفی، او علمده طبیعتک جوهر لطیفدر . لکن اکا طبیعت دیمکه مساغ شرعی یوقدر . شریعت عوالمی اعتبارات ایله تقید ایدرک آرائینه بر حد چیزهش، هر حدک ماوراسنی یوقاریده سویله دیکمز کبی بشقه بر اسم ایله تسمیه ایتمشدر . فی الحقیقه مؤلفک طبیعتدن مراد ایتدیک معنای محدوده نظراً آنک خارجده هیچ بر شی اولماق لازم کلیر . فقط او معنائک شمول کلینسه نظراً حواس خمس خارجده بک جوق شیر وارد . بوقدرده سویله میه جک ایدک . موجوداتی محسوساته حصر ایله آنک ماوراسنی انکاره قالفشقم بو فکرلری تأیید ایچونده طبیعتک او بر طرفی یوقدر دیمک ایتدیریدیلرک مبصراتی انکار ایتسنه بکزر . ینه تکرار ایدرک شوسطرلری مؤلفه جواب اولمق اوزره یازمدق، بالمناصبه یازدق .

مؤلف « شو پناهور » ایله « حارتمان » قلمنک اوجیهل شویله جه دو قونوب کچدکن ، قرون وسطی فلسفه سنک (قدیم هند مجلداتنده آشای یوقاری حرفیا مندرج) اولدیفنی بیان (بزم متصوفده بونلری آلمشر و بعض قاپانی ، رمزلی ، کنایهلی الفاظ ایله افاده ایتمشلردر . صوفیه نکه اساسی سرمایه سی « بانه ایزم » در) سوزیله تصوفی ، فلسفه بی تألیف و تلخیص ایلدکن صکر (جنت فلسفه نکه سود همشیره سی در ، هر نوع فلسفه ده براز جنتک یری وارد) دیور و تأیید مدعی ایچون تیمارخانه ده وفات ایدن « نیچه » نکه سوزلرندن بعضیلرینی (تحلیق اولمق اوزره حرفیاً - تاریخ استقبال) نقل ایلور .

دلی صاحبه سیله تکثیر سواد ارزوسنده اولمدیفمزدن « نیچه » نکه دفتر جنونسدن قوباریلان او یاراغک بورایه نقلنه لزوم کورمدک . یالکز شوقدر دیه بیلرک : « نیچه » بر فیلسوف ، عین زمانده بر

دیوانه ده اوله بیلیر . بونلرک ایکسی ده انسان ایچوندر . عجباً فنون مثبت اربابندن تجن ایدن ، جنت سائقه سیله صاحبه سویله ین یوقیدر ؟ فنون مثبت اربابندن برینک علت جنونه مبتلا اولدی ، سائقه جنتله صاحبه صاپان سویلسی منتسب اولدیفنی فنلرک بطلاننی می استلزام ایدر ؟ مؤلف ایچون ارسطو زمانندن بو آنه قدر ظهور ایدن بیکلرجه اساطین حکمتک اقوال بر کزیده لرندن ذاهل اولیورده ، « نیچه » کبی بر بچاره نکه بحران مرض آننده سویلدیک صاحبه لری فلسفه نکه بطلاننه حجت اولمق اوزره اتیان ایدیور ؟

اماملری کوجندیر میه جکندن امین اولسم بوراده مشهور مثللردن برینی ایراد ایدردم .

دیمککه مؤلفک میزان تقدیرنده بر دینک صاحبه لری بیک حکیمک اقوال بر کزیده سنندن ده آغیر باصیور .

مؤلفک « جنت فلسفه نکه سود همشیره سیدر » سوزی تحقیر معالی ایچون سویله ن عادی سوزلرک اک آشایسیدر . انسان بوقدر مادیلشد کدن ، عقلاً ، روحاً بودرک پستی به دوشدکن صکره بو سوزی یالکز فلسفه ایچون دکل، هرشی ایچون سویله بیلیر . مثلاً روح علونینک لسان سماویسی اولان شعر ایچونده « جنت شعرک اوز همشیره سیدر » دیر ، نه قدر دهات ادب و ارسه هپسنک حجره اشتغاللرندن آلوب تیمارخانه حجره لرینه طیفلمه لری لزومه قائل اولنور .

ایش بورادیه کلنجه قلبده نور حکمت ، روحده ذوق محاسن قالماز . انسانک عالمده کی وظیفه سی ، قیدی ، اندیشه سی ده یالکز احتیاجات حیوانیه سنک دفعندن عبارت قالیر . بودرک یه اینجه انسان ده نام معناسیله برهیمه اولمش اولور .

بوکتابک صحائف متحرده سنندن ایکسینی اوچی بزه بوقدر یازی یازدیردی . صحیفه لرک عددی یوز یتمش بردر . بونلرک هپسی ایچون ایری ایری یازی یازیله جق اولورسه یوقاریده سویلدیکمز وجهله تاریخ استقبالك بش آلتی مثلی یازی یازمق اقتضا ایدمک . بوکاده وقت مساعد دکدر . بناءً علیه بر ایکی مقاله ایله بحثه نهایت ویره جکز .

فرید

وجدان اسلام

« زات حضرت محمد » مقالسی مناسبتر مهمل نوری بکد ایکنجی خطاب

« سبیل الرشاد » کچن پنجشنبه کونکی نسخه سننده مقاله معلومه کزه عائد مکتوبی نشر ایتدکن صکره جوابکزه انتظار نیتنده ایکن مملکتک منورالفکر مسلمانلرندن بعض ذواتک بوبخشه دائر مسموعم اولان مطالعات مهمه لری ، وبوندن باشقه بنده کزک ناتمام بر اقدیفم بعض افکار و حسیاتم ، بوهفته ده شوایکنجی خطابک یازلمسه سبیت ویردی .

مهم مطالعات در میان ایدن ذوات مشارالیهک حسیات نجیبه لرندن وجدان اسلام تعبیری ایشیتدم؛ مذکور مقاله کز دن رنجیده اولدقلرینه کسب وقوف ایتدم . بناءً علی ذلک مدافعاتکیز عینی زمانده وجدان اسلامی ده مظهر استراحت ایدجکندن امین اولکیز . بونکله برابر برچوق تأویلاتده قالیقشیلجینی جهتله بومبجئده براز دهاسط کلام وتمهید مراسم مساعدده بیوریکیز .

بازار ایتسی کونی باب عالی جاده سنده تصادف ایتدیکم معززومحترم رفیققرمندن بذات فاضل بنده کزده دیدیکی : « کتب قدیمه علمیه ده بیلله اللهک وجودینی اثبات ومنکرلرینی الزام ایچون مناقشات کلامیه وار ایکن وجلال نوری بک لومبروزونک نظریاتی جرح ایدرکن سن اوکا قارشینی نه دن بویله بر مقاله یازدک؟ . . او ذات حضرت پیغمبره برشی دیوریکه ... »

دوستمک جدّاً شایان اعتماد بذات اولمسنه کوره بر آرائق دوشوندم . فقط مقاله کزینی تماماً تخطر ایدرک دیدیمکه : « اوحالده یالکیز لومبرو . زوبی ذکر ایتیمکده معنانه ایدی ؟ » فی الحقیقه لومبروزونک نظریه لرینی تماماًرد ایتیمورسکیز . اولرلی اولدجقه قوتلی اولارق اورته ده بر اقیور ، یالکیز برسطرده (ظن ایدرمکه ایتالیان معلمی دهانک یالکیز جهت مرضیه سنه حواله اعتبار ایتیش وکنه دهایی اونوتمشدر . مع مافیه تتبعاتی ایچنده جای نظر واعتبار برچوق شیر وارد) دیورسکیز . اولر عجبانلردر ؟ وبالخصوص فخر المرسلین افندمره عائد بر بجمده بونک نهیری ، نه ایشی وارد ؟ . .

برده جناب اللهه متعلق مباحث کلامیه ومناقشات اعتقادیه ایله بنی ذیشان افندمرک اوبجث ایتدیکنکیز یولدیکی اساس ماهیت وحقیقت جلیله لری آراسنده هیچ بر مناسبت یوقدر . الوهیت بحتی باشقه . بوسزک بیاناتکیز - ولوتصدیقاً ومدافعه اولسون - ینه بک باشقه . بوایکنجی نک بیانات ومطالعات معلومه کز طرزنده تمهیدینه قطعاً حق وجواز یوقدر .

سوزیمه دوام ایله دوستمه دیرمکه :

جلال نوری بکک طرز تبلیغی بک فئاودر شتانه ایدی . سوزلرندکی عدم انتظام وزد پیغمبریده کی بئلکی بک چیک اولارق کوزه ، بلیکده قلبه چارپیوردی ، نبوت سنیه پیغمبریدن بحت یوقدی . وحی والهام ایچون بک ضعیف بولونیور ، حتی بریده نص قرآنه کلیاً مخالف چیقماق ایچون بوقیدی کوزه تهرک : « سیدالبشرکله نک معنای غیر قرآنسیله بک شاعر ، حتی حدید اولدیجی حالده هرکسندن زیاده ذاتنه حاکم ایدی . » کی علویت نبویه ایله غیر مناسب توجهملرده بولونیور . بنی ذیشان افندمر حدید دهکل ، یرنده ولزومی حیئنده شدید ایدی . بنی کله سنک عبرانیده دلی معناسنده کلن (ناوی) دن مأخوذ اولدوغنی ازبره تکرار ایدجک یرده کلمه مذکوره نک خبر وپیام معناسنه اولان (نبأ) دن مشتق بولوندوغنی سویاسه کز عجبا ده آزمی

دوغرو اولوردی ؟ هم بوسوزک اهمیتسزلیکی نسبتنده اورایه قونعسی چیرکندر .

جناب بنی کریمک غیر تام وغیر طبیعی بروجوده ویا اعضایه مالک اولمادیغنی آکلامکیز نه قدر غیر کافی ایسه « بونقطه ده یالکیز لومبروزونک فرضیه سی بوراده براز طویالار . » مدافعه غریبه سیله اکتفا ایدرک « جناب سیدالبشر فطره وبرمقتضای دهات عصبی المزاج ایدی . آثار پیغمبری ایچنده بو مزاج عصبی کورمک اسهل امورد . هرجهلده بروح عصبی کنديسنی کوسترر . نسایه زیاده جه رغبت ده عینی مزاج عصبینک نتیجه سیدر . » دیمکه قائل اولمکزده اوقدر لایالیانه در . نسایه زیاده جه رغبتک اک شدید دوری یکریمی یاشندن باشلامق اقتضا ایدرکن حضرت بنی ذیشانک قبل النبوه کچن اوان شهابی کاملاً تمیز وهرتورلو علائق سفیله دن بری در . یالکیز حضرت خدیجه الکبرا ایله اوندرت سنه قالدیغنی معلومدر . جناب رسالتپناهی بودرجه مادی وجسمانی نقاط نظر دن مطالعه دن قاجیکیز . بونلر فاحش خطالردر ، بونلر یکیمک ده کادر ، تدقیقه ایلر بک ده کادر . بالعکس شان سامی نییه غیر موافق سوزلردر .

« اعصاب نبویه نک قوتی دهاء محمدینک مولیدر » سوزیکز ینه یکی اولمقله برابر نظریه لریکیز برتورلو اعصاب دن ، عضلات دن قورتولا . مامسی ماهیت علویه محمدیه نی بوتون معناسیله مدرک اولمادیکنزه بر دلیل قوی حالنده قلبه چارپیور . هپ ، بوتون مسئله : مادیات وقوت ...

قرآن کریمنده جناب حقک « وما یسطق عن الهوی » آیت جلیله سیله نبوت محمدیه نی صراحة بیاننه مقابل سیدالبشره (معنای کائناتی بلا ترجمان آکلامشدر) دیمه کز ینه بر معنای صریح افاده ایتیمور . کالات نبویه نی توصیف کزده وحی ونبوت اوقدر کوروله میور .

کافه معنویات وروحانیات صرف عقل وتدبیر ذاتی ایله حصوله کلیر . اللهه مناسبت جهتی ورابطه جبریلیه هپ سکوت ایله کچیور . عصمت نبویه نک بویکی مطالعات منطقیه نی تحملی اولمادیغنی فکرنده یم .

کرم نبوینک بویوکلیکی ویکسه کلکی حضورنده ، زمانمزده سرد واتیان ورد وتنقیدینه لزوم حس ایتسه کز بیلله مطالعات باطله افرنجیه نک تعدادیله ماهیت قدسیه محمدیه نی زمین مدافعه اتخاذ ایتک بنجه مضر بر طریق مناقشه در .

خلاصه کره ارضک شهنشاه ظاهر وباطنی اولارق کوندرلمش اولان جناب فخرالرسل حقنده - ولومدافعه اولسون - بکنهرک یازدیگیز مقاله لرده چوق ساقط سوزلر ، وغریب بئلکار وارد . بوده ، ایلک مکتوبمده عرض ایتدیکم کی بویولده یازی یازمغه آیشمامش وهرشیده کنديکزه مخصوص بر موجودیت قائمه ویرمک یولنده عاتاً صرعه لی بر انهم اک ایله حویص اولمکزدر . فقط سزده کورویورسکیزکه بو ، هر وقت ویا هر موضوعده قابل اولامیور .

ایشته بنده کزک عاشق کرم بنی اولان وجدانم بوتون بوشیلردن

صنف خلق ده الك كسدير مه يولدن كيدبور : شمدی آخر زمان در، بويله اسلامر آزالاجق، نهايت ير يوزنده مسلمان قالمایه رق قیامت کافرلرک باشنه قوبه جق دیوب ایشک ایچندن چیقور . خلاصه : هر بریسی بر تلدن دم وور یور . بز بونلرک بر قسمنه سائقه غرضله اورتهیه آتیلش ، دیگر بر قسمنه ده کلشی کوزل سویلنیویرمش سوزلر نظریله باقدیغمزدن بونلره دائرسوزی اوزانه جق دکاز .

مع مافیه بومقاله مزده مسلمانلرک دوره ترقیلرندن ، سطوت وشو . کتیلرندن ، یاخود الک آشانی بر درک یه سقوط ایتیلرندن ، عجز و مسکنت ایچنده یوارلانمیلرندن ده بحث ایددجک دکاز ! چونکه حیات صاحبی اولان هر ملت ایچون بو شئون و اطوار برر کچیدر ؛ بتون ملتیر ، ترکیب و تحلیل کبی - حیات امتک میزان اولان - ایکی قوتک ایکی قانونک تحت تأثیرندن قورتولامازلر ؛ دائما بو ایکی قوتک تأثیرینه تابع درلر . بوجهته اولارک شو اطوار وشوندن آله جقلری نصیب ، حیات امتک میزان اولان ایکی قوتک غالب طرفنه تابع اولمقدن عبارت قالیر ، بر ملت هیئت اجتماعیه سنده شو ایکی قوتک بعضاً بر طرفی آغیر باصار ، بعضاً ده دیگر طرفی ! شبهه یوقکه میزانک تحلیل طرفک رجحانی ، محو و هلاک ، حیاتک کلیا غائب اولسنه مؤدی اولور ؛ بناء علیه اطوار حیاتییه سنده قوه تحلیل غالب کلن بر ملت یواش یواش وادی هلاک طوغری یوارلانیر ؛ وبالنجه محو اولوب کیدر .

بتون ملتله ده اولدینی کبی ، بویکی قوت ، ملت اسلامییه اوزرنده ده تمامیه تأثیرینی کوسترمش در . بوکون ایسه مسلمانلر اوزرنده اجرای تأثیر ایدن تحلیل قانونی در . حیات ملیمیزک وجودنده باشلایان بو تحلیل ایله وجود اسلام اودرجه داغیلدی ، اوقدر پارچه لاندی که ، عادتاً غیر قابل تحلیل بر عنصر حاله کلدی ؛ مسلمانلق عالمی حیات سابقه لرینی اوقدر ضایع ایتدیلر که ، کندیلرنده حالت احتضارده بولنان بر کیمسه قدر بیلر اثر حیات کورلیور ! بوکونکی مسلمانلق عالمی اویله بر کر یوه ضلاله صاپمش در که اولنری بورادن چکوب چیقارمق ایچون قوتلی بازولره محتاجز . بونده هیچ کیمسه نک ترددی بیلر اولدینی ایچون تفصیله لزوم کورمیورز . دوشونیلرجهک برجهت وارسه اوده مسلمانلق عالمک حیات سابقی ، مجد اولینی اعاده ایتک ، او عالمی محکوم اولدینی موت محققدن قورتارمق در .

پک اعلا ! مسلمانلق عالمک حیات سابقی ، مجد اولینی فصل اعاده ایددجکز ؟

عجیب اولمش کیمش اولان ملت اسلامییه تکرار دیرلتمک فصل ممکن اولور ؛ خصوصیه بو آلوم ، پکده قیصه اولمیان بر زمان طرفنده اولنرک . مالیدن مهجور اولمندن نشأت ایتمش در .

عجیباً کر یوه ضلاله صاپمش بر آدمی طوغری بوله چویرمک قولای میدر ؟ غفلت اویقوسنه دالمش . رؤیایرله خولایرله اوبالانان بر آدمی ایقظ ایتک فصل قابل اولور ؛ باخصوص که قولقلری صدای ایتباهی طوبییه جق قدر صاغر ، موجودیتی ایتلمکدن ، دور تلمکدن متأثر اولیه جق قدر اویوشمش !

مضطرب اولمشدر . باب عالی جاده سنده تصادف ایتدی کیمی سوبیلدم . عزیز و محترم دوستک سوزلرینی بوراده ینه تخطر ایددرک دیورم که ذات عالیکر بنالکلیکزی بویلر بر بختدن اوزاق طوتیکز . چونکه سوزده وفکرده ده کل ، حتی تعبیرده کی بر عدم اصابت و اوافق بر عدم مبالات ایله رخ دار اولور سکر . بوجملرک اینجه لکی ایله متناسب بر علم الهی آنجق قرآن کریم واحادیث شریفه نک استکناه غوامضه صرف روحانی حسله همت سایه سنده ممکن اولایلیر ، حتی بونکده استعداد فطری نسبتده درجات ذرق و احاطه سی واردر . فقط اونی بوراده آکلاتامام . آرتق بوقدر تفصیلات اوزرینه مقاله کرک نقایصی پک آبی آکلامش اوله جفکزه امیم . کچن هفته لرده بنده کزی اون کون قدر مضطرب ایتمش اولان انقلوئزا کیفسرلکم بو کونلرده حمد اولسون بوسبتون کچمش اولدوغی ایچون برنجی مکتوبک دوقوزنجی سطرنده مذکور کیفسرلکم موجب اولدوغی تأخیر بو دفعه هیچ واتع اولمادی ، وبوسایه سوبیلیا جکاریمی اتمامه موفق اولدم افندم . علی سعاد

مقتضیات

اسلامک حیات سابقی اعاده

« یا ایها الذین آمنوا استجیبوا لله وللرسول اذا دعاکم لما یحییکم . . . ای ایمان ایدن کیمسلر ! الله ایله پیغمبرک سزه حیات ویره جک دعوتنه اجابت ایدیکز . . . »

بوکونلرده الک زیاده تدقیقه شایان بر مسئله وار ایسه اوده ، ملی حیاتی اولان ، حیات اسلامییه در [۱] ؛ کندیلرینی اولومدن قورتارمق ، موجودیتلرینک بقاسنی تأمین ایددبیلکم ایچون اسلاملرک نه صورته حرکت ایتسی لازم در ؛ اویله کور یورز که ، بوکونکی حالمز الک زیاده تلمق اولان موضوع بودر . دیه بیلیرز که اسلام مطبوعاتندن بشقه دنیانک هر طرفنده بولنان مطبوعات ، متفکرلر بیلر بو مهم مسئله ایله اوغراشمقده درلر . هرکس کندی طرز تلقیسنه ، یاخود ایشنه کلدیکنه کوره بیان افکار ایدیور : کیمسی مسلمانلرک بو حال پریشانه سبب اولارق دینی ، قرآنی کوسرتربورده قورتولمق ایچون بونلری ترک ایتک لازم اولدینی ایلری سوزور . برطاقیمی قارشیمزده اولان دشمنلرک قلبلری فکر قومیتله ضربان ایتدیکی حالده بزده او فکرک بولمیدینی ، بناء علیه ایده آلمز بر ملت دائما محکوم انقراض اولاجغنی سوبیلور ؛ بر قسمی ده بو حالک سببی ، نصف امت دیمک اولان قادیلریمیزک حیاتی اوروپا قادیلرینه بکزمه مدیکنده کور یور . دیگر بر

[۱] بوراددی ملتدن مقصد بر الطبع ملت اسلامییه در ؛ چونکه بزجه دین و ملت بر در ؛ دیندن بشقه اورتهیه برده قومیت چیقارمق ، مقصد اسلامییه منافی اولدینی ایچون دیناً مردوددر . « من فرق فلیس منا - حدیث شریف »